

BOSNA I HERCEGOVINA  
PARLAMENTARNA SKUPŠTINA  
P R E D S T A V N I Č K I D O M  
Radna komisija za ustavna i pravna pitanja  
Broj: 01/1-78/99  
Sarajevo, 8. 06.1999.

Z A P I S N I K

3. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 8. 06. 1999. godine

Sjednica je počela s radom u 11,00 sati.

Sjednici su prisustvovali: Mirko Banjac, Bogić Bogičević, Miodrag Deretić, Ana Havel, Alma Čolo, Sejfudin Tokić i Rasim Kadić.

Odsutni članovi: Milenka Bošnjak i Jadranko Prlić, koji je opravdao odsustvo.

Pored članova Komisije, sjednici su prisustvovali: Vedran Hadžović, sekretar Komisije, Nudžeim Rečica i Munevera Čaušević ispred Vijeća ministara, Archie Tuta ispred Ureda visokog predstavnika, predstavnik Evropske Unije Fernando Santaolalla, te Branka Todorović i Jadranko Tomić, članovi privremenog Sekretarijata Parlamentarne skupštine BiH.

Za sjednicu je predložen i usvojen sljedeći

D N E V N I R E D:

1. Nacrt zakona o osnivanju zajedničkih policijskih snaga za suzbijanje terorizma, meduentitetskog kriminala i neovlašćene trgovine drogom (prijedlog Kluba SDPBiH),
2. Prijedlog zakona o Vijeću ministara BiH (prijedlog poslanika Sejfudina Tokića i Ive Divkovića),
3. Prijedlog zakona o izmjenama i dopunama Zakona o putnim ispravama Bosne i Hercegovine (prijedlog poslanika Sejfudina Tokića i Ive Divkovića),
4. Prijedlog zakona o afirmaciji, čuvanju i zaštiti suvereniteta, teritorijalnog integriteta, političke nezavisnosti i međunarodnog subjektiviteta BiH u oblasti odgoja i obrazovanja (podnosilac delegat Mirsad Čeman),
5. Inicijativa za izmjenu Zakona o "Službenom glasilu BiH" (podnosilac delegat Mirsad Čeman),
6. Prijedlog odluke o utvrđivanju kompleksa zgrada i zemljišta za smještaj institucija BiH, njihovom statusu, uslovima i načinu korištenja,
7. Prijedlog odluke o utvrđivanju statusa zgrade i zemljišta u Ul. M. Tita 25. i uslovima i načinu za njihovo korištenje,
8. Nacrt odluke o organizaciji Sekretarijata Parlamentarne skupštine Bosne i Hercegovine,
9. Odgovor Ustavnom sudu BiH po Zahtjevu za ocjenu ustavnosti Zakona o Savjetu ministara BiH koji je pokrenuo zamjenik predsjedavajućeg Predstavničkog doma Parlamentarne skupštine BiH, gospodin Mirko Banjac,
10. Prijedlog zakona o izmjeni Zakona o putnim ispravama Bosne i Hercegovine (predlagač Vijeće ministara BiH).

Prije rasprave o tačkama dnevnog reda, Komisija je konstatirala da Vijeće ministara BiH nije dostavilo mišljenja o tač. 1. do 5. dnevnog reda.

Sejfudin Tokić je iznio primjedbu na način zakazivanja sjednice Komisije i zatražio da se ubuduće u pozivima navede tačno mjesto održavanja sjednica Komisije.

**Ad 1:**

Komisija je većinom glasova, sa četiri glasa za i tri protiv usvojila mišljenje da nema Ustavne obaveze, ali nije u suprotnosti sa Ustavom BiH da Parlamentarna skupština BiH donese Zakon o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom.

**Ad 2:**

Komisija je konstatirala da postoji Ustavni osnov za donošenje Zakona o Vijeću ministara BiH.

**Ad 3:**

Komisija je većinom glasova, sa pet glasova za i dva protiv konstatirala da postoji Ustavni osnov za donošenje Zakona o izmjenama i dopunama Zakona o putnim ispravama Bosne i Hercegovine.

**Ad 4. i 5.:**

Komisija je zaključila da Predstavničkom domu predloži da se razmatranje Prijedloga zakona o afirmaciji, čuvanju i zaštiti suvereniteta, teritorijalnog integriteta, političke nezavisnosti i međunarodnog subjektiviteta BiH u oblasti odgoja i obrazovanja, povuče do sticanja uvjeta za razmatranje, odnosno do podnošenja prijedloga od strane ovlaštenog predlagača.

**Ad 6. i 7:**

Komisija je konstatirala da postoji Ustavni osnov za donošenje Odluke o utvrđivanju kompleksa zgrada i zemljišta za smještaj institucija BiH, njihovom statusu, uslovima i načinu korištenja i Odluke o utvrđivanju statusa zgrade i zemljišta u Ul. M. Tita 25. i uslovima i načinu za njihovo korištenje

Komisija je podnijela sljedeći amandman na Prijedlog odluke o utvrđivanju kompleksa zgrada i zemljišta za smještaj institucija BiH, njihovom statusu, uslovima i načinu korištenja: "U tački IV stav 2. Prijedloga odluke o utvrđivanju kompleksa zgrada i zemljišta za smještaj institucija BiH, njihovom statusu, uslovima i načinu korištenja, iza riječi: "Ustavom", dodaju se riječi: "i zakonom", a riječi: "odlukom nadležnih tijela institucija Bosne i Hercegovine" se brišu."

**Ad 8:**

Komisija je podržala Nacrt odluke o organizaciji Sekretarijata Parlamentarne skupštine Bosne i Hercegovine.

**Ad 9:**

Komisija je odložila raspravu o davanju odgovora Ustavnom sudu BiH po Zahtjevu za ocjenu ustavnosti Zakona o Savjetu ministara BiH koji je pokrenuo zamjenik predsjedavajućeg Predstavničkog doma Parlamentarne skupštine BiH, gospodin Mirko Banjac, dok se Predstavnički dom ne izjasni o proceduri davanja odgovora Ustavnom sudu BiH.

**Ad 10:**

Komisija je konstatirala da postoji Ustavni osnov za donošenje Zakona o izmjeni Zakona o putnim ispravama Bosne i Hercegovine.

Za izvjestioce Komisije na sjednici Predstavničkog doma određeni su Rasim Kadić i Alma Čolo.

Sjednica je završila sa radom u 12,30 sati.

**PREDSJEDAVALA**  
Rasim Kadić, s.r.

**SEKRETAR**  
Vedran Hadžović, s.r.